



ՄԱՀ
ՍԵՂՐԱԿ ՔԱՐՅԱՆԻ
(1889—1978)

Հուլիսի 14-ին, երեքշաբթի օրը, Փարիզում, ծանր հիվանդությունից հետո, իր մահկանացուն է կնքում Փարիզի հայոց և Հովհաննես Եկեղեցու Կրոնական Ընկերակցության վարչության վաստակաշատ ատենապետ տիար Սեղրակ Քարյանը:

Հանգուցյալը ծնվել էր 1889 թվականին հոկտեմբերի 25-ին, Խարբերդի Գեարիկ գյուղում: Նա իր նախնական և երկրորդական կրթությունը ստացել է Խարբերդի Ֆրերների դպրոցում և ապա իր իրավաբանական կրթությունն ավարտել Կ. Պոլսի իրավաբանական համալսարանում:

Այստեղ էլ սկսվում է հանգուցյալի ազգային-հասարակական գործունեությունը, առաջնորդված հայ ժողովրդի մտահոգություններով:

Հանգուցյալը, որպես կարող փաստաբան, մինչև 1916 թվականը զբաղվել է փաստաբանությամբ:

Առաջին համաշխարհային պատերազմի ավարտից հետո վերադարձել է Կ. Պոլիս և գործուն մասնակցություն ցուցաբերել մեր ազգային կյանքին:

Պոլսահայ պատրիարքարանի կողմից որպես ներկայացուցիչ ուղարկվել է Աթենք՝ հայ գաղթականների և որբերի վիճակը բնկելու և համապատասխան տեղեկագիր ներկայացնելու:

1925 թվականից սկսած գործուն մասնակցություն է բերել Փարիզի մեր եկեղեցական ազգային կյանքին. «Անիկա ազգային գետնի վրա մնաց միշտ տիրական ռենք մը, մանավանդ Փարիզի հայ եկեղեցվո մեջ, ուր կվարեր վարչության ատե-

նապետությունը: Ոչ ոք կրնա ուրանալ, թե Սեղրակ Քարյանը եղած է ազգանվեր անձնավորություն մը, որուն մահը նույնիսկ իր հառաջացյալ տարիքին, զգալի բաց մը կրանա մեր գաղութին ազգային կյանքի մեջ» («Ցառաջ», հուլիս 6. 1978):

Սեղրակ Քարյանը որպես վետերան անդամ հնչակյան կուսակցության եղել է նաև չեքոսլովակյան և Փարիզում Հայաստանի Օգնության կոմիտեի ընդհանուր քարտուղար:

Հանգուցյալը միաժամանակ եղել է Փարիզում Դպրոցատեր Տիկնանց վարժարանի իրավաբանական խորհրդատու, Հ.Բ.Ը. միության Եվրոպայի շրջանային հանձնաժողովի նախագահ:

Սեղրակ Քարյանը մեծ քարեկամն էր նաև Մայր Աթոռ և Էջմիածնի և Ամենայն Հայոց կաթողիկոսի:

1945 թվականին մասնակցել է ս. Էջմիածնում գումարված Ազգային եկեղեցական ժողովին՝ կաթողիկոսական ընտրության ստիժով:

Ամենայն Հայոց Ս. Տ. Վազգեն Ա Հայրապետը քարձրորեն գնահատելով պրն. Ս. Քարյանի եկեղեցանվեր, հասարակական հայրենասիրական գործունեությունը, նրան շնորհել է ս. Գր. Լուսավորչի առաջին կարգի աղամանդակոտ շքանշանով:

Սեղրակ Քարյանը հրաժեշտ է տալիս կյանքին այն խաղաղ խղճով, որ նվիրումով ծառայեց իր Մայր եկեղեցուն, Մայր Աթոռ և Էջմիածնին, իր հայրենիքին և իր ժողովրդին:

Հանգիստ իր ոսկորներին:

